

尚

綱

堂

集

尙絅堂詩集叙

余不獲與醇甫坐石鼓下分題課詩得佳句輒歡笑叫呼者十三四年矣今年醇甫應禮部試來京適余悼亡醇甫言余於詩龕出尙絅堂詩集四十卷乞勘定乃盡窺其生平蘊蓄並得近年棲泊羈旅艱苦情狀扼腕者久之禮闈榜發醇甫舉首報罷者胥翕然推服無閒言朝野慶得人於時醇甫年四十餘矣會疾書字不能工未與鼎甲選入翰林重宿望也余因而感之方醇甫與莫王陳盧諸君子鼓篋橋門也醇甫詩出筆秀麗六舍生望之爲高才爲雲霞中人制藝文戛戛獨造未嘗不可追莫子之後塵翱翔馳騁乃造物若或抑之且久抑之而後顯其名於天下將

以老其才歟今其詩具在可覆按也少作明艷之篇居多
肄業太學以後則沈博矣放浪江湖以後則排莽矣茲則
清適駿邁以快厲之筆達幽隱之思如水銀瀉地天馬行
空矣應試之作尤工學少陵而不爲少陵所囿所謂屬對
詮題似別有神解集中未載異口另本單行可也憶醇甫
與寶齋副憲齒相若才相亞耳寶齋擢上第衡文四方藝
林奉爲宗匠而醇甫以相門子青衫名于於隘巷菰蘆低
首下心三黜於有司而後遇可謂窮矣雖然其遇窮矣而
其心未窮其心窮矣而其詩未窮也常郡故多詩人黃仲
則死淇穉存秦小峴孫淵如趙味辛楊蓉裳呂叔訥皆與
余遊好余皆嘗論定其詩如醇甫者其在數子之間乎嘉

慶戊辰法式善叙

余自束髮受章句稍長學爲詩心輒好之逮三十年矣每有所得隨手存錄計可五千首釐爲四十卷卷各爲集其卷頁較多者卽於每集中分上下卷卷首各列數語以識蹤跡竝志一時託興之所在積時既久紙墨蕪雜向爲同人所手定間置甲乙者亦漫漶幾不能辨今年客婺州屏絕人事頽然自放取篋中本自加刪訂擇其不背於古而詞旨畧可觀者存十之六七別錄一本名曰尙綱堂詩余先世自郡城遷無錫之錦樹里郡中舊居曰尙綱堂以名余詩志所自也夫楊子曰言心聲也劉彥和曰言以文遠余之於世拙於言亦紉於言而又好自道其心之所欲言輒於詩焉發之然則余之詩余之言而已余故不自知其

爲詩又烏知詩之工拙哉嘉慶十二年十月嗣緒自記於
婺州郡署之載詠樓

尙絅堂集目錄

卷一 爨餘集

癸巳甲午乙未丙申丁酉

古今體詩五十三首

卷二 半粟山房集

戊戌己亥

古今體詩五十五首

卷三 寄泖集

己亥

古今體詩三十首

卷四 刻楮集

庚子癸卯

古今體詩九十首

卷五 二十四航集

癸卯

古今體詩四十首

卷六獻賦集

癸卯甲辰

古今體詩四十六首

卷七莊花閣集

甲辰乙巳

古今體詩六十一首

卷八禪榻集

丙午

古今體詩四十九首

卷九竹中集

丁未

古今體詩六十二首

卷十戊巳集上

戊申

古今體詩七十一首

卷十一戊巳集下

巳酉

古今體詩三十二首

卷十二碧山後社集

庚戌

古今體詩四十八首

卷十三楚游集上

辛亥

古今體詩五十三首

卷十四楚游集下

辛亥

古今體詩四十首

卷十五雪苑集

壬子

古今體詩五十八首

卷十六燕囊集

壬子

古今體詩三十三首

卷十七圍爐集

壬子

古今體詩二十六首

卷十八寓園集

癸丑

古今體詩三十四首

卷十九籬下集

癸丑

古今體詩三十一首

卷二十問津集

甲寅

古今體詩二十一首

卷二十一槐天集

甲寅

古今體詩二十六首

卷二十二澹香秋圃集

甲寅

古今體詩四十五首

卷二十三策蹇集

乙卯

古今體詩五十九首

卷二十四中江集上

丙辰丁巳無詩
戊午

古今體詩四十六首

卷二十五中江集下

戊午

古今體詩五十八首

卷二十六勞歌集

己未

古今體詩六十一首

卷二十七獨浪集

己未

古今體詩三十八首

卷二十八吳船集上

庚申

古今體詩四十九首

卷二十九吳船集下

庚申

古今體詩五十六首

卷三十蓬心集

辛酉

古今體詩五十三首

卷三十一蕭寺集

辛酉

古今體詩三十一首

卷三十二南轅集

壬戌

古今體詩八十三首

卷三十三蘆中集

壬戌

古今體詩七十四首

卷三十四竹西集上

癸亥

古今體詩四十一首

卷三十五竹西集下

癸亥

古今體詩八十首

卷三十六五甲集上

甲子

古今體詩六十八首

卷三十七五甲集下

甲子

古今體詩八十七首

卷三十八上集

乙丑

古今體詩五十六首

卷三十九竹西後集

乙丑

古今體詩五十八首

卷四十婺州集

丙寅

古今體詩七十五首

卷四十一鼇背集上

戊辰

古今體詩四十首

卷四十二鼇背集下

己巳

古今體詩五十五首

卷四十三不易居齋集

庚午

古今體詩六十三首

卷四十四循咳集上

辛未

古今體詩一百零二首

卷四十五循陔集下

壬申

古今體詩三十一首

卷四十六雲心集上

癸酉

古今體詩三十八首

卷四十七雲心集下

甲戌

古今體詩六十一首

卷四十八懷南集

甲戌
乙亥

古今體詩五十五首

卷四十九雪泥集

乙亥
丙子

古今體詩五十一首

卷五十丁丑集

古今體詩二十首

卷五十一且住齋集

戊寅
己卯

古今體詩四十首

卷五十二補羅集

己卯
庚辰

古今體詩四十七首

箏船詞

卷一百四十首

卷一百二十一首

駢體文

卷一 四十三首

卷二 四十首

尙綱堂詩集卷一

陽湖 劉嗣綰 醇甫

爨餘集

癸巳甲午乙未丙申丁酉

余年十二三學爲詩稿脫輒焚棄歲丁酉稍稍存錄
因就故紙中并向所記憶者蒐輯一二名爲爨餘如
曰可入中郎之賞則吾豈敢

古詞

海天不可極碧水絃清商一絃生一波流入瀟與湘湘波
易哀咽斷續不得長綿綿九疑山鬱作蒼梧蒼安能枯桐
引復此棲鳳皇伶倫感孤竹帝女悲空桑古調今已矣古
心徒自傷

望夫石歌

望夫處江悠悠夫不來天爲愁山頭無人淚如雨妾當補
天與天語

巫山高

巫山極天天入夢一峯迎人一峯送行雲瀟瀟何處郎巴
猿三聲妾斷腸

古別詞

送郎橋上頭橋下是郎舟別時抱郎腰橋斷水不流
別郎兩相思望郎兩相憶日在三義路不得郎消息

春陰

深樹鶉鳩啼春陰漲畫溪夢兼疎雨斷愁傍落花低客興

誰蘭上人家有竹西壤牆生古綠閒寬隔年題

照鏡詞

盤龍作明鏡中有水痕深不用妾照膽祇須郎照心

梁谿

倒影卧芙蓉波心落九峯水雲真冷淡魚鳥亦從容野井
寒誰汲山邨夜自春五噫餘響盡風入隔溪松
不肯因人熱清流自一灣釣竿蓬底月椎髻鏡中山皋鶴
共誰語野鷗如我閒伯通橋下水何事不知還

過王淙雲丈避塵處

溪色到門綠遠山時有無偶攜彭澤卷來對輞川圖風竹
淡相語渚禽清可呼點塵飛不到吟坐亦冰壺

七夕詞

寶合千絲密神針七孔穿輪他蛛網巧夜夜會團圓

溫硯

歌方鑑爲邵文莊公故物邗江君購得之置竹爐庵中

二泉家世安樂窩二泉手澤龍山坡一鑪製就用溫硯胸

中別具鑪錘多汝從汝革

卽用銘語

變則化我行我法平無頗

氤氲祇許捧太乙清淨未肯舐維摩先生點易山之阿研

朱滴露供吟哦爐中水火亦旣濟坎離消息當如何歲寒

周旋到冰雪造化迴幹期陽和昆明灰起活火死欲息不

息生風波烟雲過眼泣鴈鵠雷雨脫手驚蛟鼉土花蝕紫

銅壘碧誰與一日三摩挲故山回首增滂沱風臺石磴空

藤蘿祇今淨室作清供光氣夜燭恒沙河竹爐相映有圖

卷石鼎突出無詩歌他時遺硯倘歸里墨池飛出山陰鵞
。書留侯傳後

金人十二咸陽開一椎博浪從天來六經燒盡鬼夜哭一
卷陰符橋下讀下邳亡命真英流避秦不上桃源舟他年
功成卻歸去紫芝歌罷商山遊吁嗟乎黃石公赤松子秦
皇已事亦如此漢家封禪子房始

陳平

研求黃老足生平合有奇謀料敵兵笑問社中分肉手如
何處置一杯羹

神仙五首

翠蓋蜺旌駐羽變高唐朝暮侍清歡蘭臺史筆如封禪卻

遣襄王作夢看

碧鷄祠下祀陳倉一曲鈞天聽不長十二金人真鑄錯竟

無清淚憶咸陽

世上桃源豈浪遊仙山卻向海中求君王自要長生藥不

許童男女白頭

甲帳丹青畫鬼神金莖遙對柏梁新如何天馬來西極不

使瑤池宴一巡

一表通天弔劫灰兩家武帝總堪哀西池王母西天佛看

盡人間富貴來

池上一絕

草色迢迢入謝家小池一綠澹於紗東風不要閒愁散盡

日階前掃落花

紅梅閣

梅花天半閣卷幙卽仙家鏡裏看紅雨壺中乞紫霞道人
巾角墊詩客帽簷斜畫出青旗影鄰牆酒待賒

擬元人十臺詩

姑蘇臺

鶴市梧宮夜夜秋烏栖一曲在蘇州綺羅故寵三千廢茶
火新軍百萬收地爲齊梁開別派天從吳越變陰謀江邊
賸有鴟夷恨直送寒潮到虎邱

章華臺

千盤輦路鬱迢迢問鼎雄圖幾莫朝夢澤火雲書羽獵乾

谿風雪誦祈招扁舟有客呼長鬚斷杵何人倚細腰可惜
年來小家住湘煙郢雨總魂銷放翁詩章華臺前小家住

黃金臺

碣石宮開霸業爭按圖買駿壯燕京原無國士堪論價豈
有賢王不愛名擁篲客還來趙地射書人已下齊城千金
七首成何用易水蕭蕭恨未平

朝陽臺

蘭臺待從建華旗苔蘚荒涼賸故基暮雨不隨神女至雄
風空與大王期才人詞賦傳三楚勝地雲山幻九疑十二
峰頭閒指點湘天終古擅靈奇

歌風臺

芒碭雲深隱帝鄉停鑾記得酒壚傍千秋讌飲關風會一代詩歌冠樂章烹狗藏弓悲猛士斬蛇仗劍應真玉英雄畢竟論成敗試看烏江泣數行

戲馬臺

百戰山河敵項劉憤王失策在鴻溝中原漫許爭秦鹿三戶翻成戲楚猴帳下美人生台戀江東子弟死還羞烏騅一逝真天意匹馬登高亦淚流

思子臺

別買桐人築一邱高臺卻並柏梁留鼎湖自想攀龍上緱嶺誰容跨鶴遊世外雄心有宛馬人間恨事到泉鳩君王莫道仙山遠甲帳風雲在殿頭

銅雀臺

漳河一片水聲寒。風雨西陵弔阿瞞。總帳乍驚飄碧瓦，官
門終見泣銅盤。君臣運會無巴蜀，父子才名有建安。七十
二墳疑不了，鬼鼓歌吹夜漫漫。

凌歊臺

浮邱何處白雲隈。宋帝離宮尙古臺。涼館畧同冰井設，夜
筵幾見燭城開。山中杵逐青衣去，江上旛迎赤幟來。畢竟
傳家自田舍，黃峰寂寞掩蒼苔。

鳳皇臺

元嘉紀鳳當書官。重上荒臺俯逝湍。二水遠成金帶抱，一
樓高接玉簫寒。鷄鳴尙有千家埭，龍氣曾從六代蟠。今日

浮雲無著處舉頭容易見長安

近人有賦後十臺詩者依題和之

挂劍臺

松楸不見墓門開此地何人挂劍來
一代交遊同縞紵千秋風雨護莓苔
生還竟抱魚腸痛死別空驚馬鬣哀
曾向碑前尋十字蕭蕭落葉滿泉臺

會盟臺

一會渑池震古今侍臣劍佩壯登臨
壇空尙說珠槃宴地古常聞瓦缶音
完節自能歸白璧慕名人但賣黃金臺
前流水爭鳴咽中有英雄未死心

魯連臺

一身談笑卻強侯。天下應知蹈海羞。公子幾人誇勸世。先生此去足清流。誰云最黯如黃鶴。始信難馴有白鷗。我笑平原真俗骨。鑄金不到五湖舟。韓詩魯連細而點有若黃鶴子

韓侯臺

淮陰城畔戰旗紅。慘淡歸魂想大風。巨壑魚驚還避釣。高原鳥下亦藏弓。三分自失封齊策。四海誰容滅楚功。鐘室年年發春草。一盂冷飯哭英雄。

李陵臺

飛將家聲去不回。望鄉終古陣雲開。白登尙說歸無路。青冢常教伴此臺。雪窖天容低鴈磧。河梁日影上龍堆。交情足使千秋重。家國當年事可哀。

子陵臺

眼底清流徹底清
羊裘澤畔見高情
一江倒入桐廬色
四壁飛來竹石聲
梅市尙思移眷屬
雲臺何意傲公卿
此身已謝凌煙畫
多事天邊挂姓名

劉伶臺

天許參軍一放頑
鹿車爭羨竹林還
死無他累常攜鋌
生有餘閒且閉關
齊物遠超莊老上
論交不出阮嵇間
此臺便當糟邱築
買得清泉不買山

鬱孤臺

潏然雲氣似蒼梧
立傍譙樓表鬱孤
城外分流環二水
江中競秀失雙姑
何時別觀開鳩鵲
此去離宮有鷓鴣
誰念

山卿曾望闕觚稜金爵夢仙都

雨花臺

噪盡臺城幾樹雅閒從蕭寺伴袈裟誌公已去誰飛錫天
女能來莫散花了了自離塵世劫荷荷空笑帝王家回頭
大小長干路便抵恒河億萬沙

文游臺

曠世清遊記大蘇當年文藻在榛蕪肯輸高李傳歌吹合
補鬼秦作畫圖片石幻雲成半壁一珠如月出重湖幾番
繫纜供吟眺寂寞空階卧酒壺

江亭晚興

扁舟盪破碧琉璃倒影江樓見酒旗秋在簾葭原黯淡晚

來橘柚更離披雲山古洞過仙鼠風雨寒潮送佛狸莫歎
茲遊蕭瑟甚詩囊添得句清奇

聞西師獻凱作

櫓槍淨埽兩川塵萬里岷江奏凱新益地更看圖玉壘祭
天不用鑄金人黑通印笮叢邊路紅壓蒲桃塞上春聖
主分明賜顏色論功只待畫麒麟

旌旗赤白照狼煙雨血風毛總可憐藉地撒營歸土谷漢
家起家並祁連巖疆落落雙銅柱瘠壤荒荒半石田屯政
未興農久廢羣公何策善籌邊

客有自漳鄴歸者獲銅雀瓦琢硯甚古邀余賦詩

西陵風雨愁茫茫銅臺片瓦飛秋霜寒雲剝落慘金碧青

瑤之色黝而蒼，鄴中舊事爲爾數。瞞也智略兼文章，三臺高築擬帝制。壓倒扶荔凌長楊，一家侍從盛公讌。西園軒蓋爭飛揚，此時此瓦照光彩。魚鱗簇簇圍宮牆，美人歌舞一朝散。總帷零落分遺香，墓田欲望盡疑冢。嗚呼末路徒倉皇，登壇草詔等閒事。銅仙墮淚天蒼涼，殿前空說麗金爵。宮中只夢飛鴛鴦，茲臺回首亦銷歇。月明夜夜寒清漳，黃沙沒盡建安骨。野燒一片連平岡，奸雄遺恨有時盡。斷甃入手生光芒，摩挲作硯配鴈鴒。隻眼定閱千滄桑，晉人書法絕千古。雞鶩聲價誰低昂，惜哉當日換鵝字。洗滌不遇山陰王，笑填墨海亦小補。豈等鍊石嗤荒唐，長生長樂漢宮物。欲考世代猶能詳，題詩爲爾紀年歲。手摹古篆留

香姜

詠史六韻

劒外擁旌旄將軍戰馬高路疑開鄩善勲並錄陳陶寶玉
俘同進明珠誇莫逃重權歸細柳私囂狂蒲騷妙畧傳三
箭奇冤泣二桃英風應不滅畫壁響弓刀

秋夕有寄

清夢落闌干秋燈坐峭寒蟲疎知月苦鴈緊覺風酸把酒
吟紅樹焚香對碧巒思君如鏡影常隔露華看

送友之河間

落葉帶離聲霜風第幾程如何人北去翻怨鴈南征聚櫟
畱宵話題橋破曉行鬢絲應料理鞭墜卅兮城

過揖峯吳丈齋

鶴骨飄然雪滿顛，笛床槌枕總宜仙。小奚祇合隨昌谷，老

嫗都能解樂天。秋水馬蹄新點筆，

近註莊子

春江魚腹舊傳箋。

工詩一例窮東野，日日厨空似禁烟。

寒塘

今夜寒塘立蕭然，一釣磯白雲無宿處。閒繞驚絲飛

山中晚歸

炊烟青未了，野崦有人家。暝立孤松鶴，寒歸萬竹鴉。吟聲鐘斷續，畫格石橫斜。不有楓林客，誰來賞晚霞。

夜坐得句

聽白澹忘夕，一燈秋悄然。竹聲風外細，松影月中圓。茗熟

難消癖香枯合悟禪簷花都落盡清坐若爲緣

擬戰城南

黑風夜吹天上狼陣雲如獸頽空墮龍堆萬里莽無際白骨築城高過牆望鄉臺空鄉信絕寒天低迷愁鬱結黃沙磧裏俱少年死後頭顱頓成雪死者未鬼生者殃老鴉食血啄箭瘡箭頭草際忽飛動聞道官家禮國殤

何陋堂詩集卷一終

尙絅堂詩集卷二

陽湖 劉嗣綰 醇甫

半粟山房集

戊戌己亥

庭前老桂一株已枯其半而著花較早金粟因緣半
人身世敢云妙悟或證聞思

草堂雜詩

不栖城市不烟霞藥檻藤垣次第遮綠樹鶯遷非故里白
雲犬吠卽僊家漫勞遠望同鴟吻端爲幽居署免置五岳
真圖十洲記卧遊終日在天涯

綠陰多處但眠琴隨意雲山入嘯吟花鳥儘耽聲色樂漁
樵原淡利名心來禽帖擬臨池借畏獸圖容疊石尋料理

閒居好經濟
耕烟鋤月與年深

風光豈便託天慵
卧起花陰日幾重
閉戶擬隨中散鍛
移家聊就伯鸞春
木奴作使千頭橘
雲子料量五粒松
約得書聲共清課
城樓聽打六時鐘

醉鄉何敢署東臯
身外浮雲笑爾曹
貪濯名花延并近
誓刪惡竹讓墻高
詩書劫後開秦篆
風雅窮時變楚騷
爲有腐儒心事在
名山結納不辭勞

儘馳遠想不登樓
日日盧敖汗漫遊
書可破愁非俗物
酒能中聖亦清流
休論朝士名三豹
只愛山人畫兩牛
卻憶青門舊家世
瓜田淪落故時候

高眠豈不惜居諸
身學閑雲會卷舒
圯上修成黃石傳
山

中乞得紫霞書詩無東野窮相似筆有南軒學不如悟到
養花堪養性多應宿病漸消除

寤言莫認考槃阿應爲園林惜斧柯春水方生橋卧柳秋
風未起屋牽蘿仙人海上都遊戲名士隆中獨歡歌今古
寄懷成一慨自題空壁不須阿

文信國書杜詩卷

正氣千秋尙浩然特留翰墨鎮山川魯公筆勢風霜入杜
老詩篇日月懸碧血久埋柴市地晴虹常貫米家船漂流
玉帶生何處眼底冬青哭杜鵑

虞美人歌

鴻門楚舞宴高祖楚舞方終楚歌苦楚歌爲漢非爲楚自

有美人能楚舞美人良足多君不見若爲楚舞吾楚歌

蜜蜂詞

蜂采花采花歸釀蜜不識花容顏但聞花氣息

池亭獨坐

綠意池塘畫不真曲闌小立最傷神懸燈隔竹疑無路對鏡安花似有人蛛共貧家爭恤緯燕如處女解懷春東鄰多事閒絲管吹落空梁日日塵

春陰

楊花飛不起樓影比春高遠水如昏鏡迴風入剪刀鵲啼都寂寂燕語太勞勞最苦長堤路年年感故袍

過蔣山人

爲蠟登山屐因停載酒車一陂新水色三徑故人居松子
閑餵鶴桃花好飯魚接羅何用著醉倒任軒渠

小遊仙

仙人掌冷下方諸小駐旌幢拜玉除金碧重重五雲閣分
明認得少霞書

天孫嫁後剪雲羅夜夜紅鸞會唱歌三十六天宮漏永不
知秋思是誰多

排雲五岳劒鋒開吹落罡風總劫灰昨夜忽逢天一笑上
方是電下方雷

玉龍酣戰未曾眠帶甲來耕月地烟瑤草尙愁無種處不

辭東海盡成田

玉宇瓊樓徹夜寒
珠宮承露幾銅盤
水衡爛向空中瀉
卻恐天河亦易乾

鳳髓麟膠壓豹胎
仙筵齊向幔亭開
扁舟又進安期棗
一朶紅雲海上來

星宮舊冊太紛如
合付天曹一掃除
卻恨秦皇仙未得
不曾燒到上清書

白玉樓中住鬼才
掌書今日遣誰來
等閒食字都仙去
十里琅嬛處處開

珠幢玉節下雲煙
謫守丹爐五百年
何處鳳笙吹不斷
大羅天上葬神仙

再拜司香玉案前
重來可是有情天
荷巾鶴扇憑收拾
閒與人間作散僊

山中遊仙詩

無事閒看洞口棋
樵風難得兩頭期
神通輸與長房好
夜夜騎龍過葛陂

聽說茹君折簡傳
松風蘿雨亦飄然
生來不借終南徑
喚得山翁竹葉船

多事星曹有少微
白雲片片出山飛
大家拜賀蓬萊監
新授華陽一品衣

歷盡餐霞餌木方
獨留頑石鎮山岡
丹田種得黃精滿
莫放初平亂叱羊

飛下仙符走六丁。明牕點勘洞天靈。蓮華七卷從頭繡。那
及黃庭寫內經。

金函玉鼎鍊神功。顏漱華池漸返童。報道故人如過訪。全
家雞犬白雲中。

所得

所得是清曠。無聊長閉關。聽松吟曉瀑。行藥夢春山。骨已
同鵝。傲心還並鶴。閑置身君莫笑。才與不才間。

讀漢文帝紀

五柞長楊盡漢宮。孝文儉德獨堪風。露臺自惜中人產。天
與銅山富鄧通。

曉鏡篇

曉日出匣敲圓冰光迴壁上搖秋菱紅絲拭淚乾不得潮
生潮落燕支凝流黃帳底飄烟素寶扇團團障秦霧不見
嬌郎癡若雲簾波卷入蓬山路桃花人面低銅鑲鉛華流
去愁爛斑盤龍照水雙行字墮馬當風一尺鬟金仙掌高
露淒冷遮斷明河半邊影欲試梁家椎髻妝古苔綠繡清
谿井

讀邵文星城詩却簡

池上抱君卷悄然生遠愁烟明雙鷺立竹暗一螢流露坐
難爲夜風吟易得秋空城二三里亦自怨靈脩

秋夜賦別

夜杵莎雞地寒燈稻蟹天背秋成小別留月爲孤眠病後

衣稜瘦閒來扇骨仙飛卿詩思好誰贈碧雲箋

村墟晚歸

樵路蹋殘葉出山知幾重人聲爭晚碓鳥語聚寒鐘野水
明諸渡歸雲畫一峰無言成獨立吟思上孤筇

尋春

驢背兀殘雪不知春有無尋詩上東閣選夢下西湖艾納
留金獸松醪倒玉壺儂家銅井近村路未曾無

齋中仿劔南小體詩

別舍雙蝸角閒園半繭窩賦成招隱少書寄絕交多魯望
呼名鳴義之換字鵝坐看春日晚朋好幾經過

一畝蕭齋地叢書雜坐眠長恩原故鬼脈望是真仙古篆

摹秦鏡新題仿蜀絃雕蟲成結習不事太元篇

買得盆山勝蒼然置草堂鏡中添晚翠屏上補春粧奏事
煩脩竹飛章爲海棠此身無約束巾帶亦清狂

麈尾無談客松關課自嚴愛鈔高士傳貪暑散人衙製曲
教鶯和裁書喚鶴監溪聲清繞榻爲我譜雲咸

詠史雜詩

祖龍焚詩書秦法任慘酷求仙乃悔心避禍欲趨福斯也
迎機導運或剝能復如何益其驕坐待國步蹙但思上蔡
犬豈恤中原鹿父子駢首誅罪重不足贖

莊老尙清靜流爲韓與商蕭曹貴畫一郡吏舉趙張人事
每倚伏更變豈有常何如得其中道濟兼柔剛弊生利乃

威意美法自良文武有貽謀八百開周疆

衛霍重邊功勢盛祚不長桑孔心計臣末路終敗亡身家
豈足恤國脉良已傷經術故可貴兵農亦爲祥

申胥痛復楚魯連悲帝秦偉哉忠義士臨難不顧身亦知
勢常屈一往意氣伸心力自相抗往往驚鬼神填海亦有
鳥負山亦有蚊憂天天不知古來惟杞人

程嬰古烈士克保趙氏兒亦有宋子家能匿高漸離爲傭
隱夏馥復壁藏趙岐觀人出倉卒豈識安與危高義非苟
全要恃志不虧不見張陳交刎頸徒爾爲

巖壑多長松鬱起青青枝枯楊生路旁攀折安敢辭託根
貴得地榮落輒應之富貴無衰年貧賤無盛時馮唐屈郎

署白首誰見知鄧禹早封侯共看凌烟姿

夷叔首陽石介推綿上田逃名名益高所貴植骨堅陵谷
有時改遺風無變遷周武與晉文此憾應終天

梅福氣節士葛洪功名流遭時適不幸高揖尋丹邱天曹
各有職原非慕優游苟無濟世心何以全真修愚哉采藥
者入海將奚求

百姓具耳目聖人皆孩之旨哉柱下言觀化真吾師陰陽
貴和會調劑原互施肅殺過其分風雷俱曠司日鑿混沌
寂天性乃以漓何當造化偕共適羲皇時

廣慧禪林閒憩

最光明地對龕燈乞取閑身坐大乘古壁煙昏疑有畫虎

堂綠靜似無僧水邊聽瀑常留響雲裏尋鐘不辨層參得
此中真色相一林黃葉一枝藤

天半黑雲如鬼驅呼風及霧羣靈翹長松突出無霸疊
嶂飛下鑿巫閭驚沙從山山失守狼石如羊滿空走一峯
對面不見人怪樹盤壑盡又手山響路轉東復西卻入山
腹前攀躋何物造也老不死雷聲尚作嬰兒啼金蛇騰身
出幽谷照見前山下飛瀑雨腳迢迢天外歸九龍掉尾湖
光綠

舟夜

靜擁高衾坐孤舟燭向殘星河秋破碎風露夜闌珊月黑

鳥投樹沙明。蟹上灘。榜人歌調苦。小別亦知難。

爲有

爲有臨風興。憑闌不厭勞。石容爭竹瘦。溪吹入松高。鴈字難成譜。蟲言別補騷。醉中無日月。吾欲署東臯。

閒庭

閒庭只合伴經鋤。溪水聲中坐擁書。拉雜古懷看越絕。零星舊志補虞初。梧桐隔院風千杵。楊柳當門月一梳。愁向秋林搔髻影。涼蟬相對各蕭疎。

重過華雲湘師書齋有感

虛館風來黯不春。蕭然坐榻遍凝塵。笙詩未補空留憾。琴曲方終最愴神。三尺碑題梁妙士。一編書泣楚騷人。時升騷

注未竣

此生風義先零落笛裏山陽感舊隣

何陋堂詩集卷二終

尙絅堂詩集卷三

陽湖 劉嗣綰 醇甫

寄洲集

己亥

已亥秋侍大父華亭學舍湖山觴詠晨夕追隨尋以
抱疴沈困累月是卷詩大半病中補作峯洲閒無日
無卧遊興也

舟泊盤門

鴈櫓一聲響落帆城影圓花光橫水檻酒氣壓山船吳市
幾家鶴齊亭千樹蟬晚來纖月上畱夢照嬋娟

夜過青浦

晝裏吳淞剪幾層煙斜雨直見漁罾僧衣積水秋無縫客

伊洛書集卷三
被生寒夜有稜古塔鈴聲前代語疎林帆影後湖燈吳歌
不是蘆山中冷落溪灣尙采菱

望泖湖

挂席九峯秋峯峯入卧遊翠飛天外閣紅結海邊樓遠水
啼孤雁圓波畫一鷗西風原是客莫暑季鷹舟

漫興

西風吹夢墮葺城親舍雲飛共此行江上賣鱸忘世味亭
中搗鶴聽秋聲自慚骨相無奇福翻悔詞章有薄名一畝
蕭齋容坐卧書裁筆格鎮縱橫

書來十日故園心門外潮聲接古今隱隱風波連沙社蕭
蕭水墨騰雲林夜沈別院笙歌遠秋歷空城鼓角陰一種

搗衣聽不得客愁飄上女嬰砧

重九日城西晚眺

忽驚風帽落樹影亦飄蕭
辨塢知山近尋鐘覺寺遙
詩清因佇月酒濁爲通潮
欲問庾公蹟秋聲歸晚樵

看龍挂作

媧皇石裂混沌死墨色天如赫
蹠紙玉龍噓氣來盤旋口
吐明珠換眸子珠光四射天門開
雲旗倒卷狂風迴投壺
一笑玉女出魯鼓薛鼓排空雷
雷車隆隆不知罷阿香推
車雨師駕雨脚梢梢樹頭掛疑是千鱗萬鱗化一龍掉尾
羣龍驚四水直立千山橫
虛堂吹落松濤聲仿佛煙槽空
中行龍公戲罷入海底
海若移家一千里

張氏塔射園簡主人

一塔落秋影翠微橫檻前石壇花說法山枕鳥遊仙送酒
希元亮耽書傲孟堅古苔都綠字題壁記何年

訪白燕庵故址

寺門落日與荒烟海叟風流四百年飛到梁間灰劫盡更
無燕子話桑田

白衣宣至白衣回曾有高人其草萊昨夜龍門杉下立一

聲鐵笛忽飛來

龍門寺古杉一株
相傳鐵崖手植

錄別一絕

孤館風高酒不任江頭落日與分襟欲知別後思君意一
樹寒蟬細細吟

不寐

斜月在樓西
天河壓檻低
露高初警鶴
潮上更聞雞
世味尋瓜圃
秋懷問菊畦
寒蛩無賴甚
只傍枕函啼

晚泛

暮色下橫塘
秋心在短航
墟烟沈樹黑
市日帶潮黃
遠浦叉魚路
荒原射雉場
古愁騷屑甚
一笛破蒼茫

散步

散步閒尋谷
口樵擬從物
外續逍遙
籬花有意爭
先瘦
埜草無名轉
後凋
笛裏關山通
雁塞
天邊樓閣盡
虹橋
蒼茫獨立
何人會
筆架
山前上
晚潮

畫鷹

神鷹搜壁摩秋空素練一尺生長風虛堂倒射眼如鬼攫
身欲入陰雲中松林日落愁深黑江上臺高呼不得朝來
洒血下平蕪威鳳祥鸞爭失色

觀吳宮美人教戰圖卷

吳宮將將將孫武美人教戰將先鼓鼓聲未斷忽斷頭美
人欲笑吳王愁軍容茶火一朝變卻使於越生陰謀吁嗟
乎誰言禍吳是西子吳宮教戰禍之始

題雷松舟參軍釣突泉圖

終南山高連太白萬古關中青一色舉頭莫笑秦無人座
上參軍是豪客參軍二十誇壯遊黃皮袴褶邊城秋英鋒
棱棱側霜隼搖筆色動西諸侯雄心橫絕意超忽勒馬雲

端看趵突泉聲流入馬蹏間手展生綃寫空濶一官吹墮
江南來三十餘載埋塵埃瞥然相遇出峯泖秋眉風入橫
圖開圖中風景莽回顧在山泉清出山誤奔騰彷彿有餘
怒岳色河聲盡驅赴弱水西流幾曾住君獨紆迴不歸去
茲泉倘亦出崑崙肯向人間占官路泠泠泉語聽不真此
詩落紙君應聞掀髯一笑雷萬春我今得子胥中秦句

遺山

客枕

客枕寒如許秋衾一水鋪連天雞唱亂到地雁聲孤鴻寶
書何在邯鄲夢有無遊仙應不遠夜夜住蓬壺

詠古小樂府

董狐筆

登臺彈人人避遠公側棄人方用犬紛紛竄入桃園中鳥
獸亂羣驚不免趙宜當日非賊臣臣不討賊卽賊身賊臣
失書史臣酬秋霜飛空夏日走吁嗟平古來良史良大夫
後世乃有鬼董狐

季札劍

生贈帶死贈劍黃泉不隔交情面死贈劍生贈金丈夫慷
慨一寸心寸心不死有如此徐君若生劍應死

伍員簫

臣本蘆中人能作蘆中曲蘆中管無三寸長吳市橫吹走
相逐走相逐吳王驚一生恩怨聽分明嗚呼恩怨到頭說
白馬來時鼓聲怒

高漸離筑

白衣一去易水哀。漸離擊筑臨高臺。筑聲蒼涼天半墮。秦
雲鎖鑰都驚破。淚如鉛瀉終何用。筑擊秦皇天不中。鐵椎
銅柱等閒拋。十二金人成一慟。燕家故客宋家奴。身與筑
亡身不孤。千秋變徵誰傳得。還有高陽舊酒徒。

張良椎

博浪椎求力士報韓讎。雪國恥誰謂良是孺子。博浪椎擊
帝秦匿下邳。走風塵誰謂良似婦人。婦人孺子兮世勿噴。
始終報韓分良一身。

亞父斗

鴻門宴隆準來。樊噲侍張良陪項莊。項伯驚相猜。亞父示

映王徘徊帳中撞斗聲如雷玉光迸破青天開真龍一去無時回

蘇武節

鬚如羣羊髮如雪海上蘇卿持漢節旄落盡節常好漢節還過茂陵草茂陵回首悲神仙龍沙一卧十九年歸來畫裏看凌煙

禰衡鼓

禰衡天生好鸚鵡身在籠中心故土脫衣突出罵曹瞞驚向當筵一搥鼓一搥鼓客起舞天下英雄何足數大兒孔文舉小兒楊德祖

段秀實笏

猪婆化龍殿上遊誰臣賊者惟源休堂堂段公執賊口奪
笏擊賊賊退走賊兵三千屯殿旁偽詔忽下稱勤王太阿
長柄一朝去出門倒用司農章男兒志在清君側不然死
耳甯從賊君不見魏家之笏傳後人良臣弗願爲忠臣

謝皋羽如意

冬青哭斷陰雲黑獨立西臺慘無色山頭朱鳥魂歸來空
中竹石雙徘徊一歌山竹裂再歌山石缺山石一缺不復
完石骨嶮巖作雪肝腸斷絕可奈何古來失意何其多
西山歌後西臺歌

燐火篇

鬼星羅羅走下天鬼馬踢地陰風旋馬嘶一聲四野寂十

萬燐光點空濤初如漁火明遠汀旋如出墻飛亂螢山風
吹落水風起旋轉卻入松林青碑陰啾啾衆鬼語鬼兵欲
來鬼不許口含影箭背射人三尺寒空拋硬雨衆火慘碧
一火紅誰其紅者必鬼雄漫山跨谷就行列此時此火明
復滅草頭搖搖金鐵鳴千刀萬刀迸一聲刀光血色髑髏
墮三十六宮春忽破回頭誰唱秋墳墟琵琶骨醉彈吳歛
山魈驚走野狐拜十十五五空中車鬼車來聞鬼哭鬼火
相攜入深谷秋星滿天蕩寒綠

萬壑

萬壑動哀響一筇穿翠微燒邊驚壁斷樵外見人稀細水
爭蟲咽孤烟讓鳥飛不堪歸路迴清切擣寒衣

尚絅堂詩集卷三終